

豐山金氏世譜序

譜者家史也所以追先祖叙宗族示孝弟之道於無窮也蘇老泉之序孝弟之心油然而生云者誠至言也蓋自父祖以上溯而至於五世則服窮自兄弟以下踈而過於三從則服亦窮服窮則親渴服窮而親又渴其不忽而忘之者能幾人也此古之君子敦宗而範家所以尤致意於修譜者也吾金氏系出安東之豐山縣始祖仕麗朝爲判相事至于今八九百年雖不甚繁衍燁赫以道義文學世其家名卿詰士魁科華啣蟬聯相望而家譜尙未刊行蓋族小而貧仕宦亦未嘗達也實先父兄之所深恨而後世子孫之責也吾宗兄瑞必氏暨族姪繼源甫慨然有志於斯倡率宗人通告各派收單而釐正之鳩財而經紀之凡校讎監董之役與諸子弟共其勞苦若干月而告功其序次凡例旣詳而備克嚴且正深得譜家之體而無踈漏虛僞之失且吾得姓來凡幾世所未遑者一朝得成書爲家之信史一門之幸合族之慶尤當如何也顧余孤寄圻垠不獲與羣從同事猥承宗兄之命畧叙數行以爲弁卷之文而向所謂孝弟之心油然而生者重爲諸宗祝也歲壬寅三月日後孫通訓大夫前行 世孫侍講院司書叙九盟水謹書

氏族之書始起於周禮小史氏之遺其來尙矣我東文獻大抵一倣中州氏族之書莫盛

於今世而獨我豐山之金闕焉無譜牒噫我金以判相事公爲鼻祖至勝國末有三司左尹公再振我家聲入李朝虛白公之清白潛庵公之文章遁谷公之重望固有以名世聞後而及我五世祖悠然公承積德累仁之緒九蓮五桂輝映一室文章學行尸祝畏壘則我金而豈容無譜系之書乎哉我高公鶴沙先生有追遠二編而錄而非譜也族兄瑞雨氏嘗有草集而未了者家姪穆源就其中而增修之刪其煩猥補其闕遺事幾就緒齋志而歿有時展閱每切悲感日忠原族姪學源仁叔過余梧溪庄袖示族兄瑞河氏通一門文字蓋論刊譜事諸宗老少無不合辭同聲始會于福州之廣興再會于丹山之大興三會于廣石之墳菴於是責不佞及族弟瑞潞通彥族姪繼源主其事又使仁叔暨族姪迪源族孫相儒鳩財而監董之至其編次書寫等事付之堂孫相敏俾成其父未就之志自今年三月始不數旬而功告訖噫吾宗累百年未遑之舉今以後庶幾無大缺矣擬刊訖作韋家會以講同源之誼不幸通彥客逝於刊事未畢之前哀哉蓋是譜也營設雖久剗剗旋遽各派收單且未及時或有臨刻始改者亦有既刻旋去者傍註義例頗多踈謬然諸房之散處者支宗之派分者莫不牽聯咸萃於一部之中于以愛親而尊祖敬宗而合族則老泉所謂孝弟之心油然而生者不其然矣乎司書君有弁卷語不佞無容更贅

惟刊事顛末書之如右云爾 崇禎後三壬寅四月日後孫瑞必拜手謹書

一人之身而分而爲族族而無譜其不至於踈遠而忽忘之者幾希矣余觀世之人無不謹記其鼻祖以下官啣事蹟以爲家藏系牒而至於高曾祖兄弟之親皆以族稱之一如五服圖所載而族以下世數昭穆有不得徧識之雖仁人君子敦睦之性於天者恐有所忽忘之患況於衆人之易忽而易忘者乎是以譜書之作盛於中古而大明於東方焉金氏之得姓而華顯者將三十餘貫而惟吾豐山之族卽其一耳是譜之役不成於先父兄燁燁燕貽之日而在今余後承者何哉不佞自爲孺兒時常在王考東菴公膝下及見其花樹盛會蓋吾同貫之散處嶺鄉者非同堂與再從則盡是服不盡兄弟也其相對和湛之意自發於容色言語之間而猶懼夫人情之久而或替每與子姓諸大人約以爲親盡服盡而欲其情不盡亦係於人家兄弟相呼之如何繼自今凡爲吾周親者皆以第幾叔第幾兄遍稱諸房而幸勿加族字以備忽忘焉于斯時也雖無譜可也顧今一室之內已生服再盡兄弟而親親之誼漸不如先輩篤厚則惟我嶺族之同根於五六世者已不免老泉所謂路人之歎矣其在畿湖諸宗之分派甚遠者尤不可不戒其愈忽愈忘而門識者之慮又與之不謀而同遂募工而鉅梓以爲合譜三冊分於一人之身而至爲踈

遠之族者勢也傳之百代之久而母爲路人之歸者譜之所以作也編次刊事等顛末族叔父序文詳之茲不復贅焉壬寅四月下泮後孫繼源拜手謹書

忠州派世譜序

周禮小史氏之族蘇家所自出之祖所以講其同源考其分派成一家藏其所由來者久矣於戲我金本自新羅國姓而有諱文迪蓋鼻祖也至麗朝爲判府相始封豐山伯遂著籍于豐山今安東郡永嘉府之西縣至于今千有餘載子姓雖不蕃衍素以忠孝傳家道義爲交重熙累洽名宰詰士魁科華啣問世相襲逮至中葉有諱子良文章德業擬如山斗以名世重望官至吏兵曹判書兩館大提學自是克昌厥後遂爲東方巨閥本支之炳靈猶有未艾詩云邦雖舊命維新者此也歲在壬寅收譜歷七十載而癸丑又爲續刊今又寶牒鉅梓已久未有數世子孫之記載京洛之分居者未知昭穆之如何鄉邑之散處者不辨行列之高下面面相顧無異路人茲豈非遺憾歟此實先父兄所深恨而其在子孫那無繼志之責乎是以念念焉汲汲焉初會于桂陽重會于華山發論以刊譜諸族無不台辭同聲於是選舉可堪之人各授其任分在三派中人也愚子屢孫以世來清貧略鳩財只爲忠州派譜未能他道同譜誠所慨歎而事係巨創用度浩大謨猷無算就緒

茫然但恃諸族成城之意黽勉從事於有司之列而內而掌財任之于重璉聲欽外而總務任之于道欽詠欽校讎等節重國洛豐爲之書寫編輯泰欽洛寅爲之諸般收單各其門中排批指揮已定費盡心力許多月日昕夕監董剗剗告功俾成不朽之信史其序次凡例既詳而備無疎漏虛僞之失杞宋之文獻可徵而免夫忝祖之誡則一門之幸孰大於此乎諸宗之效勞有光於今日執酌而曷不賀也茲以弁卷之文畧叙顛末云耳乙亥三月後孫通政大夫前行祥原郡守重諧盟手謹書

氏族之書始起於周禮小史氏之遺其來尙矣我東文獻大抵一倣中州氏族之書莫盛於今世而獨我豐山之金有不足徵之歎茲豈非遺憾歟我金以判相事公爲鼻祖至于中葉氏姓炳靈有三司左尹公再振我家聲入李朝寒竹公之清白固有以名世聞後而承積德累仁之緒主組相襲遂爲東方巨閥輝映一世豈容無譜系之書乎是以譜通來至于松洞蓋論刊譜事諸宗老少無不合辭同聲鳩財而監董之編次而釐正之俾成其先父兄未就之志自昨年十一月爲始經三朔而告功訖嗚呼吾宗累十年未遑事今而後剗剗作韋家花樹會以講同源之誼此非親族敦宗之情乎諸旁之散處者支宗之分派者咸萃於一部之中予以昭穆分明行刊昭詳老泉所謂路人之歎庶幾免夫族兄

豐山金氏族譜序

三

郡守重誥氏有弁卷之文不佞無容更贅惟刊事顛末書之如右云爾乙亥三月後孫前
行漢城裁判所主事大審院書記勳八等重國拜手謹書

豐山金氏世譜第一圖

一世

金文迪

高麗佐理功臣
判相事○墓失
傳

二世

子永玄

進士戶長中允
○墓失傳

三世

子有連

文科追封神虎
衛散員○墓失
傳

四世

子鍊成

進士左右衛保
勝郎將功臣
配豐山柳氏父戶
長中允大令祖
副戶長謙曾祖
權知戶長原國
外祖大相柳臣
義○墓失傳

五世

子盒

進士知肅川事
贈左承旨
配 贈淑夫人豐
山柳氏父恩賜
及第伯祖戶長
挺莊曾祖戶長
敦升外祖及第
門下贊成事平
州庚益○墓失
傳

六世

子允德

進士

子允寶

正順大夫判宗
簿寺事

子允堅

七世

子安鼎

文科奉翊大夫
三司左尹 贈

八世

子子良

字遂之號寒竹
軒高麗忠烈王

九世

子從海

生員有文行文
集行于世早卒

十世

子述山

生員己卯士禍
節死

十一世

子往老

參奉

天

允堅

別坐一云別將
贈吏曹參判